

senti uita fuerunt, non habuisse aliquid in proprio, nec etiam in communi. Norunt Eruditi, Errorem hunc sub exitum Sec. XIII. in Ordine Minorum turbas dedisse indiscreto quorundam altissimae Perfectionis studio, quos inter Petrus Job. Olivi, et Hubertinus de Casali eminebant, ut legere est tam in Odor. Raynaldi Annal. Eccl. T. XV. quam in Waddingi Annal. O. M. T. II. fuisse vero in ipso Minorum Ordine, qui contra irent, ut vel e Documentis liquet, quae Baluzius L. I. Miscellaneor. pp. 195 — 528. exhibet. At vero Autorem nostrum et turbis jam utcunque sopitis calamum strinxisse superius Adlata docent, et Ordinis Membrum non fuisse suadet modus, quo per decursum de Ordine tanquam non suo loquitur; ait enim v. g. Ordo itaque siue Collegium fratrum minorum aut indiget rebus eis donatis propter deum et oblatas, aut non. Si indiget, sicut non potest uitare siue abdicare ipsam indigentiam et necessitatem, quam patitur, que est ratio utendi, ita non potest renunciare siue abdicare ius et potestatem utendi bonis predictis. Si uero non indiget, tunc cum non competat eis ius utendi predictis bonis eo, quod ius tale nil est aliud nisi indigentia ipsa et necessitas, ut supra dictum est, si tali iuri collegium siue ordo fratrum minorum renunciauit in communi, renunciauit utique iuri, quod non habet, seu quod non competit sibi in bonis predictis. Et ideo propter talem abdicatio-

nem seu renunciationem, que nulla est, ordo ipse siue collegium eorum non potest dici pauperior alijs ordinibus, seu collegijs quorumcunque religiosorum. Solide, ut totus Dialogus; colloquitur enim Autor cum quodam Fratre F. ad quod Nomen manu coeua notatur in margine: Sciendum quod per F. quidam frater philippus nomine intelligitur istius heresis defensor precipuus, et per P. quidam ordinis predicatorum, qui contra dictum philippum et suos hunc tractatum edidit. Sed Philippum hunc nec Waddingus, nec Fabricius nobis produnt.

IV. fol. 124. usque ad finem Codicis habentur 1) Commentaria imperfecta in *Librum IV. Sententiar.* 2) Quaestio: *Vtrum ratione naturali possit demonstrari, quod beatitudo intellectus humani sit clara visio Dei?* 3) Aliae II. Quaestiones de Anima, quarum prior ἀνεφαλος, altera: *An anima separata possit adquirere cognitionem alicuius prius ignoti?* 4) *Tabula quarti libri Scoti doctoris subtilis;* quae proinde ad Codicis pertinet principium.

CCCCXCV. Codex membranaceus lat. Sec. U. 300 XIII. exeunt. Folior. 232. f. per duas columnas caractere nitido, atro perscriptus, rubricis enotatus, quondam, ut praefert Theca, M. Petri de Pulka, dein a M. Thoma de Haselbach Collegio Ducali Wienne legatus continet D. Thomae Aqu. Commentaria, five

five *Scripta in I. et II. Librum Sententiar. Petri Lombardi* prae-missis Indicibus. Titulus et initium est: *Incipit primum super sententiis fratris thome. Ego sapientia effudi flumina, ego quasi trames &c.* Prout habetur in *Edit. Job. Nicolai Opp. T. VII. Paris. 1660.* f. ordine tamen antiquo, quem mutavit Editor, ut notavit p. 3. ad marg. Itaque sub finem *Περίοδου*, quae interjacet in *Codice* nostro inter verba: *sed de bono quod adjungitur culpae*, et: *Videtur inconvenienter ordinasse &c.* et 12. linear. est, apud illum, ut *Expositionem Textus*, quaere p. 412. *Fol. 98. Incipit liber secundus.* Ita: *Spiritus eius ornavit celos et obstetricante manu eius &c.* Ut edit. cit. T. VIII. Finis, ut ibi: *et regnum non corrumpetur. In secula seculorum. Amen.*

Pagg. ult. inter varia Adnotata partim extrita, partim improbe scribillata comparent Libri multi Religiosis variis v. g. *F. Mathiolo, Bonaccursio, Antonio de Parma &c.* aut concessi, aut mutuo dati, aut venditi. Memoratur item *Aegidius Prior*, unde Codicem e quodam Ord. Praed. Conventu *Italico* evasisse putem.

CCCCXCVI.

U. 301 Codex membraneus lat. Sec. XIII. exeunt. Folior. 86. f. per duas columnas nitide, sed superiore minutius exaratus, minio distinctus, et Collegio Ducali supremis M. Nic. de *Dunkelspühl* tabulis transcriptus complectitur fo-

lum Ejusdem *Thomae Scriptum in I. Sententiarum*, ut supra. *Fol. 5. p. 2.* notatur deesse *Dist. II. Articulus III.* at is subpletur ad calcem Operis *fol. 82.* Sub finem legitur eadem *Περίοδου*, quam supra dixi quaerendam p. *Edit. 412.* Codicem Elenchus *Distinctionum et Quaestionum* terminat.

CCCCXCVII.

Codex membraneus lat. Sec. U. 304 XIV. Folior. 255. f. maj. per duas columnas caractere nitido, atro perscriptus, coloribus distinctus, et olim a M. *Thoma de Haselbach* cum tot aliis legatus Collegio hujati Ducali est Ejusdem *Scriptum in IV. Librum Sententiarum.* Initium est: *Misit uerbum suum et sanavit eos &c.* Ut Edit. *supracit. T. X.* commutato tamen aliquantum ordine, ut etiam supra observatum est. Commentarius integer definit, ut in Editis: *ad quem omnia ordinantur. cui est honor et gloria in sec. seculor. Amen. Explicit IIII^{ta} sententiarum secundum fratrem thomam de aquino. ordinis predicatorum.* Sequitur Tabula *Distinctionum et Quaestionum* tribus columnis. *Pag. ult.* adlita sunt ejusdem aevi manu Initium *Sermonis* in illud *Job. XIII. Si non lavero te &c.* ad *kariissimos* quosdam *et reuerendos Dominos*, ut puto, in *Coena Domini*, et initium *Tabulae* alphabeticae in *Rubricas Decretalium.* Ad compingendum vero Codicem serviunt Membranae vetustae Operis cujusdam Rabbini caractere hispanico